

# Jondi pepa mindan youkuk

## Yodakale Mede

Pepa yon adi kayonbop niŋ'walaŋ me talitimenŋ wapumdi kayonbop niŋ'walaŋ me talitimenŋ wou Gaiyusdok youlimiŋguk. Tiŋa unduŋ Gaiyusdi kayonbop noli maanŋ yehitubulodaluguk, wendoktiŋa wou nintiloguk. Tiŋa unduŋon me niŋ wou Daiyotelefi fiyeŋ doktiŋa nadinadiŋila hatidok niŋguk.

---

## Yodakale eŋ welemomoonŋ mede

<sup>1</sup>Nu kayonbop diniŋ me talitimenŋ timeniŋdi notne Gaiyus, dutok pepa i youkamulat. Nu mede biyagonŋ welene gineŋ hatak wondoktiŋa du gabukahile hinek tilat.

<sup>2</sup>Me notne, welegedi momoonŋ hinek hatak, unduŋon hinek sigige folonŋ yagit folofigitanit mokit kedem hinek hatiluwaandok ninadilat. <sup>3</sup>Du mede biyagonŋ foloonŋ hinek u kedem kamehatiŋa takalilaŋ, kaŋ me notne nolidi buŋa wondok kahat tinambune nadiŋa nadifo loloŋnit tilat. <sup>4</sup>Wapmihineyedi mede biyagonŋ u takaliŋ, mede u nadiŋa nadifo loloŋnit hinek tilat.

## Gaiyus adi kwanai momoonŋ tuguk

<sup>5</sup>Me notne, du mede biyagonŋ u didimeŋonŋ takaliŋa kwanai momoonŋ tiŋa me notniye nadisukilitihinit menot tiyemilaŋ. Titiŋ u me kweetniŋhi mu nadiyemilaŋ aditok maanŋ tiyemilaŋ, u kedem hinek tilaŋ. <sup>6</sup>Me heki wondi kayonbop hogohogok namandahik folonŋ du'walaŋ silongedok yohautaiŋ. Ala talihiŋ gineŋ kotigonŋ ulune yabuŋa nemek beŋa uunŋdok neeŋ yehitubulodaŋ yembune beŋa uneeŋ. U Bepaŋ ne dediŋ yehitubu-lodadok nadilak wondok tuwot. <sup>7</sup>Adi Jesu'walaŋ kwanai tine nadiŋa wooŋ kwanai u tiŋiŋ, iŋgonŋ metam nadisukilitihinit mokit'walaŋkade nemek nemu beŋi. <sup>8</sup>Indi me undiŋi yehitubu-loda titiŋdok. Talik unduŋ folonŋ indi Bepaŋ'walaŋ mede biyagonŋ diniŋ kwanai u kikasop tiŋa tubufafaŋeyam tilak.

## Daiyotelefi adi titiŋ hogoli tuguk

<sup>9</sup>Nu kayonbop wanakaŋdok mede-kabe noli agaŋ youla kameyembe uguk. Iŋgonŋ Daiyotelefi adi talitimenŋ hatiyeŋdok yolak, doktiŋa

indi'walaŋ medenik mu nadilak. <sup>10</sup>Unduŋ doktiŋa nu hidi'walaŋkade baat nai uŋaniŋ adi'walaŋ titiŋŋiŋ diniŋ mebi u yohautawaat. Adi inditok yalaŋ niniŋila mede kadakahi mebimebi ninilak. Tiŋa u hogok moŋ. Adi metam nadisukilitihinit noli bulune yolineŋ yeniyehimane mu tilak, iŋgoŋ metam nolidi yohineŋ yeniyehimaneune moŋ kameheyemiŋa kayoŋbop gineŋ mu hatidok yeniyehikelektul tilak.

#### **Demitiliya adi titiŋ momooŋ tuguk**

<sup>11</sup>Me notne momooŋ, du me nolidi titiŋ hogohi tubune u mu yehikeleŋ tuluwaanŋ, titiŋ momohi tubune u yadi kedem yehikeleŋ tuluwaanŋ. Me nediyenŋdi titiŋ momooŋ tihatilak adi yadi Bepaŋ'walaaniŋ me, eŋ me nediyenŋ titiŋ hogohi tihatilak adi yadi Bepaŋ mu kaguk yodok. <sup>12</sup>Demitiliya'walaŋ mebiŋiŋ momooŋ adi me hogohogokdi wanakaŋ yohautaiŋ. Kaŋ Bepaŋ'walaŋ mede biyagoŋ wendi maŋ mebiŋiŋ yotubudakalelak. Kaŋ indi maŋ undugoŋ medeŋiŋ kasop timiyam. Tiŋa mede biyagoŋ yoyam u agaŋ nadilaŋ.

#### **Yodapmaŋ mede**

<sup>13</sup>Mede youtdok noli maŋ fe-ku hakiŋiŋ, iŋgoŋ pepa gineŋ youtdok adi mu nadilat. <sup>14</sup>Nu nai muniniŋ agaŋ du gabe baat binek, buŋa gabuŋa kikakika tiŋa yodemeeŋt.

<sup>15</sup>Welege kulemaŋgoŋ halek. Metam nokeye iŋoŋ hakiŋiŋ adi youtumba mede kamegamiŋiŋ, ale dubo me notniye molomolom youtumba medene yenimbeŋ.